

*Apagkapullo ken dagiti
Daton iti Panagayuno*



*“Yegyo ti amin nga apagkapullo
iti kamalig, . . . ket padasendak
ita iti daytoy, kuna ni Jehova
dagiti buybuyot, no siak diakto
luktan kadakayo dagiti tawtawa ti
langit, ket ibuyatkonto kadakayo
ti bendision, nga awanto ti lugar
a makalaon nga umawat.”*

(Malakias 3:10)

Ipatpategnakayo ti Nailangitan nga Amayo ken ikayatna a mabendisionankayo iti amin nga aspekto ti panagbiagyo. Tumulong kadakayo dagiti bilin nga itedna babaen dagiti propetana nga agbiag a naragsak. Ti bilin nga agbayad iti apagkapullo, a naisubli babaen ken ni Propeta Joseph Smith, ken mangted kadakayo iti gundaway a makiraman iti pannakabangon ti pagarian ti Dios iti daga. Ti panagtungpal iti daytoy a bilin ket kasapulan para iti panagbuniag iti Ti Simbaan ni Jesucristo dagiti Santo iti Ud-udina nga Aldaw.

*Adu a bendision
ti maikari kadagiti
agtungpal iti bilin nga
agbayad iti apagkapullo.*

Ania ti Apagkapullo?

Ti apagkapullo ket panangidonar iti maysa nga apagkapullo ti matgedan iti Simbaan ti Dios. Naipakaammon daytoy a bilin manipud pay kadagidi panawen ti Daan a Tulag. Insuro ni propeta Malakias ti kinapateg ti apagkapullo ken dagiti bendision nga isangbay ti panagtungpal iti daytoy a linteg:

“Yegyo ti amin nga apagkapullo iti kamalig, . . . ket padasendak ita iti daytoy, kuna ni Jehova dagiti buybuyot, no siak diakto luktan kadakayo dagiti tawtawa ti langit, ket ibuyatkonto kadakayo ti bendision, nga awanto ti lugar a makalaon nga umawat” (Malakias 3:10).

Idi 1838 inulit ti Apo daytoy a bilin babaen ken ni Propeta Joseph Smith:

“Dagiti taok . . . agbayaddanto iti apagkapullo ti amin a matgedanda iti tinawen; ket daytoyton ti masurot a paglintegan iti agnanayon” (Doktrina ken Katulagan 119:3–4). *Ti interes* ket maawatan a kaipapananna ti matgedan.

Nasantuan ti apagkapullom iti Apo, ken dayawem Isuna babaen ti panagbayad iti apagkapullo. Pangipakita iti pammatim iti Dios ken iti aramidna ti panagbayad ti apagkapullo.

Apay a Nasken nga Agbayadak iti Apagkapullo?

Sagut manipud iti naayat a Nailangitan nga Amam ti amin a naimbag a banag iti biagmo. No agbayadka iti 10 a porsiento Kenkuana a kas subad, ipekpeksam ti panagayat, pammati, ken panagyamanmo. Ipakitam iti Dios a sumurotkanto Kenkuana uray pay no mabalina a narigat daytoy; ipakitam nga agpannuraykanto Kenkuana imbes nga agtalekka iti kuarta wenno kadagiti material a banag. Gapu iti kinapudnom, ikari kenka ti Nailangitan nga Amam dagiti bendision nga ad-adu pay nga amang ngem ti ania man a banag nga isukom.

Nupay sumagmamano a tao ti agkarigatan a mamati a kabaelanda ti agbayad ti maysa nga apagkapullo ti matgedanda, masursuro dagiti napudno nga agbaybayad iti apagkapullo a saanda a kabaelan ti saan nga agbayad





ti apagkapullo. Iti napudno ken nakaskasdaaw unay a wagas, malukatan dagiti tawa ti langit, ket maibukbok dagiti bendision kadakuada. Kas inlawlawag ti maysa a balo nga ina iti anakna a lalaki, “Dikay kabaelan a [padakkelen nga annakko] no awan dagiti bendision ti Apo, ken maawatko dagidiay a bendision babaen ti panagbayad iti napudno nga apagkapullo.

No agbayadak iti apagkapullok, adda kaniak ti kari ti Apo a bendisionannakaminto, ken nasken a maawatmi dagidiay a bendision no la ketdi tungpalenmi daytoy” (Dallin H. Oaks, *Ensign*, Mayo 1994, 33).

Sumangbay ti naespirituan a pigsa manipud ti panagpannurray iti Apo. Bayat ti isasangotayo kadagiti nadagsen a pannubok ti biag, kasapulantayo ti napapigsa a pammati, pammaregta, ken tured. Maibukbok dagitoy a bendision manipud kadagiti tawa ti langit a kas bunga ti panagtungpal iti linteg ti apagkapullo.

Mainayon pay, adu a tao ti makatakuat a gapu ta napudnoda nga agbaybayad iti apagkapullo nasaysayaat ti panangtarawidwidda iti kuartada ken panangipaayda kadagiti kasapulanda. Isuronatayo ti panagbayad iti apagkapullo a mangpengdan kadagiti panagtarigagaytayo kadagiti nainlubongan a banag ken agbalintayo a napudno kadagiti padatayo a tao. Masursurotayo

Ipakita ti panagbayad iti apagkapullo ti pammatim ken ni Jesucristo. Bayat ti panagpannurraymo Kenkuana, maawatmonto ti pigsa, pannarabay, ken tulong a kasapulam iti panangbiagmo.



ti agtalek nga ania man ti naited kadatayo, babaen kadagiti bendision ti Apo ken dagiti bukodtayo a panagkagumaan, ket makaanayen nga agpaay kadagiti kasapulantayo.

Ania man a gatad ti matgedanyo, mabendisionankayto iti panagbayadyo iti apagkapullo. Idi nakita ni Jesus ti babai a nangipisok iti sumagmamano a sensiliona iti tesoreria ti templo, kinunana kadagiti disipulona, “Daytoy balo a babai a napanglaw, ad-addu ti impisokna ngem ti impisok dagiti amin a sabsabali iti tesoreria: ta isuda amin nangipisokda kadagiti tiddada; ngem daytoy babai. . .inkabilna ti amin nga adda kenkuana” (Marcos 12:43–44).

Kasano ti Pannakausar dagiti Pondo ti Apagkapullo?

Ti apagkapullo ket isu ti linteg ti Apo iti pakaseknan iti kuarta para iti Simbaanna. Kanayon a mausar dagiti donasion iti apagkapullo para iti panggep ti Apo, nga ipalgakna babaen iti maysa a konseho dagiti katulonganna. Sumagmamano kadagitoy ket mausar a:

- Pangbangon ken panangpatalinaed a nasayaat kadagiti templo, kapilia, ken dadduma pay a pasdek ti Simbaan.
- Pangsuporta kadagiti aktibidad ken operasion dagiti lokal a kongregasion ti Simbaan.
- Pangsuporta kadagiti programa ti Simbaan, a pakairamanan ti edukasion ken family history research.

Mabayadan a pribado dagiti apagkapullo, ken maidulin a sililimed dagiti impormasion maipapan kadagiti donasion.



THE CHURCH OF
JESUS CHRIST
OF LATTER-DAY SAINTS

Panagayuno ken dagiti Daton iti Panagayuno

Mainayon pay iti panagbayad iti apagkapullo, nabilintayo a mangted iti kinabaknangtayo a pangtulong kadagiti nakurapay ken agkasapulan. Maysa a wagas tapno maaramid daytoy ket babaen iti panagayuno ken saan a pannangan ken yiinum iti dua nga agsaruno a pannangan. Insubli ti Apo ti pagbatayan ti panagayuno babaen ken ni Propeta Joseph Smith, ket pinili ti Simbaan ti maysa a Domingo iti tunggal bulan a kasaldaw ti panagayuno. Ti panagayuno, a kanayon pangipakitaan iti pudno a simbaan, ket maysa a gundaway para iti naespirituan a pannakapabaro ken agtultuloy a yaasideg iti Nailangitan nga Amatayo.

Kas paset ti panagayuno, mangted dagiti miembro ti Simbaan iti nawadwad a daton iti panagayuno a pangsarayan kadagiti nakurapay ken agsakapulan. Daytoy a daton ket nasken a kas iti uray pateg ti dua a pannangan a niliwatan ti miembro ti Simbaan kabayatan ti panagayunona. Dagitoy a pondo ket maaramat tapno maipaayan iti taraon, pagtaengan, ken dadduma pay a kasapulan dagiti tao nga agkasapulan, iti agpada a lokal ken sangalubongan.

Awan ti pangrukodan a gatad ti donasion para iti daton iti panagayuno. Bayat ti nawadwad a panangtedmo kadagitoy a pondo, mabendisionankanto iti agpada a naespirituan ken naindagaan gapu ti tarigagaymo a tumulong kadagiti dadduma.





MAINAYON A PANAGADAL

Dagiti sumaganad a saludsod ken nasantuan a kasuratan ket makatulongto kenka nga ad-adda a mangutob maipapan kadagiti pagbatayan iti daytoy a poliето. Dagiti footnote ken cross-reference kadagiti nasantuan a kasuratan ket mangitudodanto kenka kadagiti mainayon a binatog ken pagadawan maipapan kadagitoy a pagbatayan.

Apay a napateg ti apagkapullo?

Levitico 27:30 (Biblia, Daan a Tulag)

Lucas 12:16–21 (Biblia, Baro a Tulag)

Ania dagiti bendision a sumangbay manipud iti panagbayad iti apagkapullo?

Malakias 3:8–12 (Biblia, Daan a Tulag; kitaen met iti 3 Nephi 24:8–12, Ti Libro ni Mormon, panid 582)

Mateo 6:31–33 (Biblia, Baro a Tulag; kitaen met iti 3 Nephi 13:31–33, Libro ni Mormon, panid 557)

“Tithing,” *True to the Faith* (Dagiti misionario wenna maysa a miembro ti Simbaan ti mabalin a mangtulong kenka a makala ti kopia daytoy a libro. Mabalinmo pay a saraken daytoy iti online iti www.mormon.org .)

Kasano a makatulongak kadagiti nakurapay ken agkasapulan?

Isaias 58:6–7 (Biblia, Daan a Tulag)

Mateo 19:21 (Biblia, Baro a Tulag)

Mosiah 4:26 (Libro ni Mormon, panid 196)

Ania ti Nasken nga Aramidek?



- Ituloy ti panagbasa iti Libro ni Mormon. Dagiti naisingasing a basaen: _____
- Rugian ti agbayad iti naan-anay nga apagkapullo. Agkararag para iti tulong iti panagtungpal iti daytoy a bilin.
- Makimisa iti daytoy a Domingo.
- Agtultuloy nga agsagana para iti panagbuniag. Petsa ti panagbuniag: _____
- Bisitaen ti www.mormon.org tapno masursuro ti ad-adu pay maipapan iti Ti Simbaan ni Jesucristo dagiti Santo iti Ud-udina nga Aldaw.
- Agtultuloy a makipagkita kadagiti misionario tapno masursuro ti ad-adu pay maipapan iti no kasano a mabendisionan dagiti bilin ti Dios ti biagmo.

Sumaruno a pannakipagkita: _____

Dagiti nagan ken numero ti telepono dagiti misionario:

TI SIMBAAN NI
JESUCRISTO
DAGITI SANTO
ITI UD-UDINA NGA ALDAW

www.mormon.org

Dagiti Pamadayaw iti Ladawan

Akinsango nga akkub, detalye manipud iti *Christ and the Young Ruler*, ni Heinrich Hofmann,

Pamadayaw ti C. Harrison Conroy Co., Inc.

Panid 8, detalye manipud iti *All That She Had*, ni Simon Dewey. © Simon Dewey

© 2007 ti Intellectual Reserve, Inc. Nailatag amin a karbengan. Naimaldit iti EUA.

Pannakaanamongna iti Ingles: 11/05. Pannakaanamongna a maipatarus: 11/05.

Pannakaipatarus ti *Tithing and Fast Offerings*. Ilokano. 01159 864

ILOKANO



4 02011 59864 2

01159 864